

Tari Maori, Ponoke, 27 Mei, 1892.

HE kupu whakaatu tenei ki nga Ateha Maori me nga Penihana hoki, mo runga i te mahi a etahi Maori tokomaha i roto i nga takiwa o te Pei o Pereti, o Peiwhairangi ki te acai i te taake mo nga kuri kia kana e utua, a etahi hui hoki o nga Maori i tu i mua tata ake nei ki te whakaro i taua mea.

Te take i panuitia ai tenei whakaaturanga, he mea kia mohio ai nga Ateha Maori, nga Penihana ranei e tantoko nei ratou i te hunga o whakakiki nei i nga Maori ki te takahi i te ture, ko te tukunga iho pea o taua tu mea, ka whakakorea ratou e te Kawanatanga i runga i o ratou tuunga Ateha, ka whakamutua hoki te puta atu o te penihana ki a ratou.

E whakaarohia ana hoki ko te mahi ma nga tangata kua whakaturia hei Ateha, me nga tangata hoki e puta atu nei he penihana a te Kawanatanga ki a ratou, he whakahaere i te mahi hapai i nga tikanga o te Ture i roto i a ratou nei Takiwa.

NA TE KARIMANA,  
Minita mo te Taha Maori.

*Te Makarini Scholarships, e tukua ana i te Kareti Maori, Haaki Pei.*

ETORU nga *Scholarship* e puta ana i te tau mo nga tau e rua, a e £35 nga moni mo te *Scholarship* kotahi. Ko aua *Scholarship* ka whakaputaina ki nga tamariki (tokotoru) e puta ana i te uiuinga matauranga i ia tau i ia tau. Kotahi o aua *Scholarship* e tuwhera ana ki nga tamariki Maori katoa e iti iho ana o ratou tau i te tekau ma ono i te ra whakamutunga o te marama i mua atu o te ra i whakaritea mo tenei uiuinga matauranga. Ko era atu *Scholarship* e rua e tuwhera ana ki nga tamariki Maori katoa e iti iho ano o ratou tau i te tekau ma rima i te ra whakamutunga o te marama i mua atu o te ra i whakaritea mo tenei uiuinga matauranga, ara ki nga tamariki kahore

ano kia tac ki Te Aute ki Tipene ranei kura ai, a e whakaarohia ana hoki o te Kaitirotiro Kura Maori i hono tonu to ratou haere ki te Kura i roto i nga marama tekau ma rua i mua atu o te uiuinga matauranga.

Ko te *Scholarship* kotahi hei whakataetaenga ma nga tamariki pakeke ake e tukua ana i raro i nga tikanga kua whakatakatoria e nga Kai-tiaki o nga moni mo te Makarini *Scholarship*, kua oti te ta ki roto ki "Nga Kupu Tohutohu mo nga Kura Maori, 1886," ki roto ano hoki ki nga Ritenga Whakahaere Apiti kua tukua atu ki nga Kai-whakaako Kura katoa. Ko nga tamariki e uru ana ki te uiuinga matauranga mo nga *Scholarship* ma nga tamariki iti iho nga tau ka uiuia to ratou matauranga ki nga mea kua oti te whakaatu i roto i "Nga Kupu Tohutohu mo nga Kura Maori, 1886," mo .. Tuunga Matauranga Tuawha (Standard IV.). Engari ko nga kupu patai ka tubia hei whakahokinga ma ratou ka pakeke atu i era e pataia ana i roto i nga uiuinga matauranga i raro i taua Tuunga Matauranga. Ka tu taua uiuinga matauranga ki nga wahi e mohiotia ana e pai ana hei haerenga atu mo nga tamariki a te 19 me te 20 o nga ra o Tihema, 1892.

Ko nga tamariki e mea ana kia uiuia ta ratou matauranga, me tuku pukapuka atu ki te Kai-tiroiro Kura, i te Tari o nga Kura i Ponoke, whakaatu i to ratou hiahia kia haere atu ratou ki te uiuinga matauranga, me tuku atu ranei ki te Kaiwhakaako o ta ratou Kura, mana e tuku mai. Ko taua whakaaturanga me tuku mai i roto i te meera i mua atu o te 31 o nga ra o Oketopa, e haere ake nei.

Ko nga kape o nga pukapuka whakaatu i nga tikanga kua whakatakatoria e nga Kai-tiaki me te ahua o te pukapuka e meingatia ana kia tubia e te tamaiti e mea ana kia uiuia tona matauranga, kei nga Kai-whakaako o nga Kura Maori, nga Kura noboanga tamariki, nga Hekeketari o nga Kura Poata, me te Hekeketari o nga Kura e takoto ana, a me tono atu ki a ratou.

NA TE POPI,  
(JAMES H. POPE.)

Kai-tiroiro i nga Kura Maori.  
Ponoke, te 31 o nga ra o Mei, 1892.

*"Te Ture Kooti Whenua Maori 1886," me nga Ture Whakatikatika.*

Tari Kooti Whenua Maori, Kihipane.

HE panuitanga tenei kia mohiotia ai ka tu te Kooti ki Te Wairoa, Haaki Pei, a te 13 o nga ra o Hurae, 1892, ki te whakawa ki te uiui hoki i nga tikanga o nga tono e mau i te Kupu Apiti i raro iho nei, he mea tuku mai ki te Kai-Rehita, ki te uiui hoki i te tikanga o etahi atu mea e whakatakatoria tikatia mai ki te aroaro o te Kooti.

I tubia i tenei te 28 o nga ra o Mei, 1892.

NA HONE PURUKINI,  
Kai-Rehita.

KUPU APITI.

*Tono whakawa take paanga.*

Nama.	Kai-tono.	Te ingoa o te whenua.	Nga rohe.
1	Hirini Whanga, Ihaka Whanga, Epanaia Whanga, Ihaka Kemara, Tamchana Tieke, Wi Paekohe, Wairua Mate, me etahi atu	Waikawa .. ..	Ka timata i tahuna Parahamiti, Te Rahui, a Whanga te Awakina, Otuhirangi, te Kirikiri, o te Mapu, Opio, Otuanu, Opuheni, Waingakini, Whanapu, ka tutaki ki te raina o te Kawana, ka haere ki te Hauraro, Tamawheturere, ka heke ki te moana te Ruamuiangaero, ka haere ki te Whakarua, Te Pararaha, Te Paua-a-ngatiakura, Te Korariatamatautahi, Waiariari, Te Kiore, Hinamoki, Taupakioira, Waiamokakati ano ki te timatanga ki tahuna ko te rohe wahanga kei Otuhirangi, Te Waimanu, Te Umutaohau, ka kati ki te Kiore Hinamoki.
2	Hirini Whanga, Ihaka Whanga me etahi atu	Waikawa Motu .. ..	Ko te Moana nui tetahi taha kei te wahi kua paraa mo te Raiti a te Kawanatanga.
3	Ihakara Haeta me Iriepere Teko	Motu .. ..	Kei te mapi.
4	Wi Paetarewa me etahi atu ..	Opoutama .. ..	Timata i te Whakarauika haere i roto o te awa o Opoutama, haere i runga i te ruiri e Kopuawhara, i hokoa ki te Kuini, tae atu ki te Rua a te Rangiiwaho, ka whati i konei, ka haere i runga i te raina o Waikokopu, Puketeanui, Tamahineatutaorau, haere i te taha o te Moana, ka tutuki ki Te Whakarauika.
5	Ropitini Te Rito me etahi atu ..	Ngamotu .. ..	Kei te mapi.
6	Wi Paetarewa, Otene Pomare me etahi atu	Aruhatoronga .. ..	Timata i te Puni, Waikakariki, Te Ahititi, ka whati i konei Te Papa, Te Puke, ka whati i konei tac atu ki te Upoko o Tuangahuru, tae atu ki te Puni.
7	Ani Te Kore, Ngamare Te Paea, Ihipera Tamihana, Raniera Te Ao	Awamate .. ..	Kei te mapi.
8	Ihakara Haeta, Iriepere Teko, me etahi atu	Makakai .. ..	Kei te mapi.
9	Ihakara Haeta, Remai Mataco, Te Haenga Paritipua, Iriepere Teko, Hana Haturu, Te Koari	Te Motu Awamate .. ..	Te Upoko Onohokahu, ka haere i te raina o Huramua, ka ahu ki te hanauru Waimaha, ka tac ki te raina o Matuku, ka ahu ki te Tuaraki Tarajakapirau, Koromatarua, ka tac ki te raina o Aranui, ka haere i taua raina Te Honi, ka kati ki Te Wairoa, ka haere i Te Wairoa, nga huni ma Pekehami, ka kati ano ki te Upoko Onohokahu.